



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Benedicti Ariæ Montani Hispalensis Poemata**

In Qvatvor Tomos Distincta

In quo Daudis Regis ac Prophetæ, aliorumque sacrorum Vatum Psalmi; ex  
Hebraica veritate in Latinum carmen obseruantissimè conuersi

**Arias Montano, Benito**

**Antverpiæ, 1589**

Psalmvs X. Vt quid Domine recessisti longè.

**urn:nbn:de:hbz:466:1-44993**

## LIBER I.

52

Præsentis ac testem salutis  
Expeditam tibi lætus hymnum.

- 16 Defossa gentes subruit æmulas  
Fraus, & latentis, reſcia, pars doli,  
Quæ crura tendentum, pedesque  
Artificis tenuere ſeuos.
- 17 Atque æquus IAS emicat arbiter,  
Dum fraudis auctor decipitur malæ,  
Et iura laudandumque cunctis  
Conſilium enituere ſæclis.
- 18 Expectat atrox ſcilicet improbos  
Inferna ſedes exitij domus;  
Gentesque neglectus recider  
Æthera QVI REGIT atque terras.
- 19 Namque indigentem ſubſidio pium  
Non uſque rector deſtituet poli,  
Attenta neu fidensque ſemper  
Irrita ſpes miſeris peribit.
- 20 IAS ſupernis furgito legibus;  
Mortalis & ne plus vigeat fine;  
Præſensque diſſertorque recti  
Diſpoſitas preme iure gentes.
- 21 IAS pauorem pectoribus tui  
Sanctique ſenſum numinis iniice;  
Mortalis agnoſcatque ſortis  
Gens hominum malè ſana fines.

## PSALMVS X.

Vt quid Domine recessiſti longè.

## PROBITATIS DEFENSIO.

*Ode Dicolos Tetraſtrophos.*

- 1 IAS quid penitus diſſitus heu procul  
Ceſſas? quid miſeris temporibus lates?
- 2 Exeretur inops, dum furit impius  
Fraude vt diſpereat ſua.
- 3 Compos non domitæ namque libidinis  
Gaudet magnificis laudibus improbus;  
Venaliſque fauet plaufibus huic cliens,  
IAM ſpernere nec pauet.
- 4 Geſtu præcipiti dum furit impius,  
Nec curat ſuperos, ſe neque cogitat;  
Quin & ſepoſitum conſilijs DEVM,  
Actis arguit & ſuis.

Illius



PSALMORVM

- 32  
5 Illius dubijs perpetuò vijs  
Fraudes atque mali mille latent doljs  
Altè poſthabitis iudicijs tuis  
Hoſtes ventilet vt ſuos.
- 6 Ille & cuncta ſibi ſæcula commodis  
Promittit varia ſorte carentibus;
- 7 Os diris precibus peierat, & malas  
Lingua diſſimulat vices.
- 8 Teſtus gramineis inſidias locis  
Occultamq̃ necem, qua perit, impijs  
Obſeruat; miſerum & ſubſidij impotens  
Intentis oculis perit.
- 9 Antris vtq̃ rapax excubat abditis,  
Imbellemq̃ trahit vi pecudem leo;  
Hic tendit miſeris inſidias ferox  
Captos implicet vt plagis.
- 20 Hinc, quando innumeris callidus artibus  
Occultatq̃ animum, ſeſcit & improbum,  
Crebrò præualidis viribus integros  
Proſternit pauidos greges.
- 21 Sic ſecum: Superos aut later, aut nihil  
Noſtrum ſollicitat, cunctaq̃ negligit  
FORTIS, non oculos vertere ad inſimas  
Terras perpetuò volet.
- 22 IAS OMNIPOTENS, numina iam manus  
Exſurgens ſtatue, vt præmineant, tuæ;  
Namque oppreſſa malis pauperies diu  
Non fert immemorem Deum.
- 23 Nam quid ſancta DEI numina prouidi  
Infandis violat vocibus impijs,  
Audet dum tacitus dicere (proh nefas!)  
Te curare hominem nihil.
- 24 At qui pauperiem proſpicis & graues  
Queſtus, lata pijs quos mala concitant;  
Imponisq̃ manu, quin miſeri tuo &  
Orbi in præſidio latent.
- 25 Iam pridem nimijs cædibus eſſera  
Præuorum horriſono brachia fulmine  
Contunde, vt repetens crimina ab improbis,  
Ceſſaſſe inuenias tamen.
- 26 Nam rex perpetua in ſæcula permanet  
IAS, deficiat gens licet improba

Terræ



Terræ exacta procul finibus è sur;  
Sunt queis provideat Deus;

- 17 Tu desiderium, vota que pauperum  
IAS, cernis enim, cordaque perficis,  
Aurem qui penitus supplicibus tuam  
Dictis & precibus tenent:  
18 Orbi vt iudicium suscipias graue,  
Oppressumque leues vindice numine,  
Ne mortalis adhuc deprimat infimo in  
Terrarum orbe suum genus.

## PSALMVS XI.

In Domino confido, quomodo dicitis animæ meæ  
IMPROBITATIS RVINA IVSTA.

1 Ad præstantem, Davidis.  
Ode Tricolos tetraëstrophos.

**I**AE benigna tutò animam meam  
In spe latentem turba quid improba  
Terretis; in monteis volucris  
Proripitor trepidante penna.

- 2 Tentis nocentes arcubus impij  
Neruo sagittas addere tortiles  
Numquam remittunt, vt latentis  
Fraude viros feriant modestos.

- 3 Quòd si malignis artibus edita  
Fundo ruerunt mœnia ab intimo,  
Cur iustus ultores timebit?  
Quam sceleris subitve culpam?

- 4 IAS, sacrata ac regia cui domus;  
Sedes & alto constat in æthere,  
Inde ille terrarum colonos  
Luminibus videt irretortis.

- 5 IAS piorum perspicit & fouet  
Mentem, & probandos consilij modos;  
Oditque molitos tyrannos  
Omne nefas, scelerumque monstra.

- 6 Permixa & ignis sulphura funibus  
Et fulminanti spiritus impetu:  
Hæc ultionis pars scelestos  
Vase suo manet ebibenda.

- 7 Nam iustus IAS iustaque præmijs  
Conferre certis nomina diligit;  
Examen ac vultu probandum  
Nosse valet semel intruenti.

C

PSAL.